



UNIVERSITÄTS-  
BIBLIOTHEK  
PADERBORN

## **Davidis Regii Prophetae Psalterium**

**Moritz <Hessen, Landgraf>**

**Smalcaldiae, 1593**

**VD16 B 3258**

Octonarius quintus. He. Legem pone mihi, Domine, &c.

---

[urn:nbn:de:hbz:466:1-68864](https://nbn-resolving.org/urn:nbn:de:hbz:466:1-68864)

*His animum admoueo, qua tu testatus es ipse,  
Tu me confundi ne patiare, Deus.  
Tunc vitam institui plantis decurrere rectis,  
Auxilium mihi cum praesidiumq; feres.*

Octonarius quintus.

H E.

Legem pone mihi, Domine, &c.

**E**sto via, Deus ô, monstrator, dirige gressus,  
Tollere quò possim nomen honore tuum.  
Ut seruem leges, me doctis instrue verbis:  
Ut seruem toto corde statuta, doce.  
Præceptisq; tuis me tanquam ducito scalis,  
Cor capit hinc quoniam gaudia vera meum.  
Hoc age, ne pectus corrumpat auara cupido,  
Neuè aliud sitiam, quàm tua iura sequi.  
Avertasq; meos oculos, ne turpia cernant,  
Sed me viuifices lege viaq; tua.  
Fac tuus ut magni faciat tua verba minister,  
Ut te non ficta mente fidelis amem.  
Prospice, ne opprobriũ & turpis me infamia tur-  
Nam iucunda mihi sunt tua iudicia. (bet:

Hh      Ecce,



*Ecce, Pater, tua iura sequor, tuaq; expeto iussa:  
Iusticiam inde tuam me recreare sine.*

Octonarius sextus.

V A V.

Et veniat super me misericordia &c.

**F**Ac mihi contingat tua gratia presidiumq;  
Sicut promittis tempus in omne tuis.

Ut me ludibriis agitantes spernere possim,  
Suffultus verbi viribus ipse tui.

Ne, rogo, destituar vero sermone salutis,  
Nam mihi solamen sunt tua iura, pater.

Sectariq; tua, certum est, vestigia legis,  
Et parere tibi tempore perpetuo.

Hoc mihi restituit languentis pectoris omnes  
Vires, cum leges discere pergo tuas.

Non ego confundar cum regibus atq; monarchis,  
Tradita voce tua, mystica verba loquens.

Namq; tuis iussis recreatus, gaudia carpo:  
Et tua iura sequens diligo corde pio.

Ad tua verba manus, aures & lumina tollo,  
Qua colo, qua veneror, qua meditorq; lubens.

Octos